

靈寶領教濟度金書卷之三十一

洞微高上開光般若真人審金其授  
靈寶通玄弘教水南先生林靈真編

科儀並成品附度通用

呪食儀

大聖元始天尊

大聖靈寶天尊

大聖道德天尊

三尊聖號不思議 普為亡靈薦福禧

仰扣高明垂昭鑒 願於今日體慈悲

重重念善皆無量 浩浩良因自有期

惟願亡靈乘道力 永辭苦海步雲梯

和不可思議功德

伏以金飯玉漿嚙御陟九清之界交梨火棗

餐雲超五濁之鄉欲道岸之先登宜法橋之

穩駕亡故某人駒騰倏忽蟻磨循環驚逝水

之不迴幸離陰暗帳藏舟之何在快觀陽明

欣逢開泰之期爰捧潔馨之薦神功變化攝

三景之華芒梵炁氤氳飛五靈之甘露雲散

錯落霞霞芬芳霧香流七津陶神津而三官

潤澤妙道生一炁迴祖炁而百體教華微羽

袂以加持塔瓊函而宣演伏願真機不昧覺

體長存鑒滄祭之弗棄矜齋誠之克享充悅

法食開闢仙基清眾運誠贊揚功德

奉為亡故某人靈寃仗茲往生仙界念

玉清慧命啓請呪

稽首冥慈虛天尊 稽首皈命至玄主

裁成天地無德稱 悉為眾生作恃怙

慈悲五道轉輪迴 哀救三塗地獄苦

皈命金闕天中尊 皈命六道慈悲父

皈命玉清无上尊 永離生死長綿綿

出有人虛无所待 能令枯朽變成仙

千劫萬劫難一遇 為眾廣說紫因緣

迴骸起死永長存 使其形神無變遷

金容玉相天尊

靈園鑿景飛丹詔以風行元炁開幽府黑塵

而雲散既荷提携之德載歌定慧之章庸薦

靈儀從容受食

焚符

奉為亡故某人靈寃仗茲往生仙界念

破鄧都開業道呪

茫茫鄧都中 重重金剛山 靈寶無量光

洞照炎池煩 七祖諸幽寃 身隨香雲縹

定慧青蓮華 上生神永安

逍遙快樂天尊

雲臺啓松提六洞以超凌霞醴流精慮百關

之帶結期潤玉樓之遠載歌金色之章庸薦

靈儀從容受食

奉為亡故某人靈寃仗茲往生仙界念

玉清甘露通真呪

功德金色光 暉暉開闢幽 華池流真香

蓮蓋隨雲浮 千靈沖元和 常居十二樓

急宣靈寶旨 自在天堂遊

法雨流潤天尊

瓊漿鳳鏤實天地之英華玉笈龍文結陰陽

之精粹欲復英風之舊載歌甘露之章庸薦

靈儀從容受食

焚符

奉為亡故某人靈寃仗茲往生仙界念

玉清甘露法食呪

回首仰圓羅 合景挹靈芒 拘覓制七鬼

思審定中央 行住禮虛無 寢息宴雲房

飢食黃藥花 渴飲瓊根漿 神精命大魔

合體鍊真光 復照觀太無 長在空中遊

玄通敎波際 真化靡終期 縹緲無終始

賢者當明知 寂寥玄理教 應運闡宏規

降道不自照 要當先所施 會歸無二夷

隨心自合離

清涼甘露天尊

紫文丹策昭度命之津梁玉醴金津妙登真

之徑路欲暢百骸之樂載歌六梵之章庸薦

靈儀從容受食

焚符

奉為亡故某人靈寃仗茲往生仙界念

王清秘梵闢藏腑法食呪

水火聚散路 神炁往來衢 焰焰焦枯盡

臟胃五方枯 玉液迴清源 玄漿通潤舒

真香流百脉 通遙常自如

焚符

奉為亡故某人靈寃仗茲往生仙界念

靈覺清涼法食呪

瀾瀾崑崙泉 泛泛玉源蒸 施運度苑中

幽香徹天地 玉女灌真香 玄廚擁祥瑞

服之億萬年 體力悉殊異

焚符

奉為亡故某人靈寃仗茲往生仙界念

玉梵甘露法食呪

召聚玄元炁 濃噴流乳漿 黃華潤膏珍

潤液多滋涼 桂蒲雜靈根 冉冉通肺腸

百神解歌舞 來遊无何鄉

焚符

奉為亡故某人靈寃仗茲往生仙界念

大梵思重法食呪

異寶出靈芳 浮玉瑩清光 泛景鶴靈炁

廣滿難充量 神清得超度 當遊妙化堂

元周扣玄機 壽永椿劫長

焚符

奉為亡故某人靈寃仗茲往生仙界念

寶梵玉函法食呪

寶梵演通妙 開闢溢九幽 慶化精殊珍

瑞色長浮浮 滄溟法炁盛 深羽翠華樓

沈濯積劫穢 穩步朱宮蓮

焚符

奉為亡故某人靈寃仗茲往生仙界念

真梵通玄法食呪

長闡天色光 燁燁映寶器 玄通无上食

靈寶无上味 高真所樂施 法音靡不至

快樂復飽滿 浮遊三界外

蘇陀抹味天尊

芝廚鬱勃煥七寶之靈光藥簡羅敷闕五明

之妙炁欲固三華之妙載歌八會之章庸薦

靈儀從容受食

焚符

奉為亡故某人靈寃仗茲往生仙界念

三光流精鍊化法食呪

妙道生一炁 炁中分陰陽 變化日月星

燦然流三光 九華合九道 八色映八方

煥爛洞真體 流精飯大芒 下生淵源宮

上徹无何鄉 縱體復飛跡 欽然都相忘

七寶流精結 混沌輝華房 燕服九雲散

此樂殊未央

焚符

奉為亡故某人靈寃仗茲往生仙界念

三光澤嬰鍊化呪

玄絕九氣中 澤嬰觀太无 鬱儀煥陽谷

結璘耀天衢 五星流寶光 斗極迴乾樞

梵炁鬱勃散 咽御方躡躡 超跡天寶階

鍊芝服華敷 系布萬神備 舉形升太虛

焚符

奉為亡故某人靈寃仗茲往生仙界念

三光法氣鍊化呪

浩精生法氣 氣氤疑天中 雨暉共澄徹

五緯交相通 三光煥已明 寶炁盈三宮

帝鄉會九老 咽服百骸豐 金華照光景

身與日月同 念道上聖前 萬劫壽无窮

焚符

奉為亡故某人靈寃仗茲往生仙界念

三光玉陽鍊化呪

玉陽正真炁 妙道三景分 玄和唱靈音

八會敷瓊文 五老宴丹澤 飄飄乘景雲

大聖諸天衆 翅駕飲玉津 三五定生籍  
遊戲太上賓 華光朗無際 携手朝玉宸

焚符

奉為亡故某人靈寃仗茲往生仙界念

三光雲華鍊化呪

引炁鬱羅外 九芒結雲華 七晨高上道

三景耀朱霞 捧香服晨精 功滿解世羅

鍊化塵劫盡 億劫不為多 落籍三界庭

結友太上家 御景拱玄斗 八極何足賒

焚符

奉為亡故某人靈寃仗茲往生仙界念

三光導仙鍊化呪

自然至真道 妙極玄中玄 萬天朝玉陛

五老參華軒 三光有靈炁 所度惟聖賢

動行道仙素 咽漱吞華根 神形合三象

渺渺歸本根 鳳鳥翔十天 飛舉不顧還

焚符

奉為亡故某人靈寃仗茲往生仙界念

三光寶炁鍊化呪

迢迢三天上 落落九玄臺 金童捧芝集

玉女持華回 天賓挹仙客 俯仰升瓊階  
天河灌東井 寶炁營空來 嚙納漱瓊津  
死劫不復衰 矯首三清路 振衣何樂哉

焚符

奉為亡故某人靈寃仗茲往生仙界念

三光定光鍊化呪

至矣上真道 妙哉靈寶章 吸景導五星

咽漱存華芒 流精灌百體 皓晶凝雪霜

洞達照內外 塵滓都消亡 體肌不復老

契此名定光 永宴大明館 斯為不夜鄉

躡跡歸本根 九轉疑真常

變化無盡天尊

玄都紫闕開梵唱以歸真霞饌雲漿燦華英

而嚙景欲備形神之正載歌生育之章庸薦

靈儀從容受食

焚符

奉為亡故某人靈寃仗茲往生仙界念

陰生梵唱生寃育鬼呪

靈芝無根 衆化之原 中疑七鬼 上結三寃

二十四真 出入無門 杳冥之內 恍惚之中

隨劫存亡 迥然而生 外煖混沌 內養七經  
五神植華 三台敷榮 紫蘭素童 返形皈英  
騰雲而升 騰霧浮空 中有玉真 號曰神公  
左扶元英 右衛白元 玄獸過後 丹禽擁前  
上浮翠蓋 下湧金蓮 香炁凝空 甘露無窮  
食之無盡 尋源不終

弘濟無邊天尊

三華寶曜凝雲液於玄符八角垂芒燦霞光  
於碧落欲妙不窮之化再歌无量之章肅薦  
靈儀從餐受食

焚光明玉字符

宣婁阿耨 無怒觀音 須延明音 法攬普曇  
稼那阿耨 忽訶流吟 華都曲麗 鮮善育珠  
答落大梵 散烟慶雲 飛灑玉都 明魔上門  
無行上首 回離流玄 何陀龍羅 四象吁真

大慈平等天尊

洞章報響一真澄湛於靈源妙供森羅萬數  
光華於法味無邊利益不盡莊嚴伏願亡故  
某人飲元和慶華芒帝鄉遊宴駕虛無乘妙  
莽仙圓翔翔請安坐於几筵俟奉行於鍊度

膺圖御籙佩戒登真稽首皈依無極大道為  
上良緣志心稽念

廣度沉淪天尊

和不可思議功德

靈寶頌教濟度金書卷之三十一

正一天師清微弟子 洪百堅 製作  
道教學術資訊網站

靈寶頌教濟度金書卷之三十二

洞微真士開光啟苦真人審金真授

靈寶通玄弘教水南先生林靈真編

科儀立成品開度通用

安鎮儀

天門外上香啓白

具位其上啓

靈寶空洞內音玉宇流傳下教三師真人伏  
以三洞垂光丹笈著齋修之典五靈列位玄  
壇垂安鎮之儀惠泐幽明式傳今古某幸因  
宿運獲紹宗風領詞告齋盍昭宣於帝澤升  
壇闡事先敷露於真文惟貽凌躡之愆重願  
照臨之造願迂霞馭來駐雲律法泉運誠修  
齋奉請

舉修齋頌 獻茶

具位其上啓

三師真人伏聞九光結氣八會垂芒或沉或  
浮顯自然之玉宇乍遊乍通昭大梵之內音  
鍊生冕於朱宮度死寬於幽夜今有齋主某  
資薦某人崇建某齋敢先事以開陳請依科